

ادبیات عمومی و سیاسی

هفته‌لق سیاسی ، علمی و ادبی غزته‌در

جلد : ۲

سنه : ۲ - ۸ صفر ۱۳۳۹ هجری ايرتسی ۲۴ تشرین ثانی ۱۹۱۷ نو و ۱۳ - ۴۳

اجمال فکر

قوه کج ملی یازی — سر لوحه‌ضری کوروب ده بزوی ده « اصلاح حروف » ایله چالیشانلردن ویکی برشکلده یکی بریازی ایجاد ایدهلردن ظن ایتیه‌کنر . فی الواقع بردن بره اویله بر فکره ذاهب اولسه‌کنر حقکنر درکاردر . الیوم قولاندیغمن عرب حروفی تورکجه‌یی یازوب اوقومغه غیر مساعد اولدیغندن طوتدیریلهرق ، املاضک اصلاحی کبی ، حروفضک اصلاحهنده تشبث ایدلمش ، حتی برده ، بیلم قاج سنه مقدم ، « اصلاح حروف جمعیتی » نامیله بر جمعیت تشکیل اولونمشدی . بوجعیتک مساعیسنه بر نتیجه ووروب ویره‌مه‌دیکنه واقف دکاز . شونی بیلورزکه اصلاح حروفخیلر بر قاج طبقه وزمه‌یه آیریلیور . بونلرک مختلف سنی واجتهادلرینک متنوع محصوللرینی کوردک . بعضلری جزئی تبدلاتله موجود حروفی قولانلق ، بعضلری ینه حروف حاضرهدن مقتبس منفصل ومنفرد حرفلر ایجاد ایتک صورتیله غایه‌یه وارمق ایسته‌بورلردی .

حرفخیلر آراسنده بالنسبه اک شایان قبول و معقول دوشونلر ، شبه‌سزکه ، آنجق موجود حرفلرده تعدیلات جزئیله طرفداری اولانلردر . قارئلریمزه بوزمه‌یه منسوب ، دیون جموعیه اوستریالی داینلر وکیلی موسیو (پاول فون یانقو) بی تقدیم ایدهرز . مالیوندن اولان بو ذات - اطلاعزه نظراً - تورکجه‌ضری ایلده توغل ایتمش ، تورکجه یازینک اصلاحی ایچون برخیلی تدقیقات وتبعاتده بولونمشدر . بوخصوصه دائر تنظیم ایتدیکی اثر دردست طبع وتمشیلدر . وقریباً آلمانجه اولارق (لایپسیخ) موزه‌سی مدیری دوقتور (شرام) طرفندن لایپسیخده طبع ایدلمکده اولان (آزه‌یوفور شریفقونده) نامنده کی رساله‌ایله میدان انتشاره وضع ایدیله‌جکدر . اثرک آریجه‌تورکجه نسخه‌سی ده نشر اولونوب بوبابده بیان فکر ایدیله‌بیلمه‌سی ایچون صلاحیتدار ذواته ومحافله تقدیم اولوناجقدر .

دوقتور فون (یانقو) تعدیلات جزئیله اجرا ایتدیکی ، یازی‌یه « تورکجه ملی یازی » عنوانی ویریور . مومی‌ایله هرشیدن اول بوکونکی یازیمزه طرفداردر . « تورکجه یازی » اشکال تحریراعتباریله

کورولیور که « لاله ادبیاتی »، ظریف و نریه اولدینی قدر متنوع بر طاقم تحسباتک معکسی دره. فقط بن بوراده بو دفعه بولایعد تحسباتک بر بنده سندن بحث ایدیه بیلدم. اکر المده « اسمعیل اسکداری » نك « خامه عبرتی » بولنسه یدی هاتف افندی کبی خامه مقال اوله رق لاله لرک کوزلکارینی واونك برقاچ عصر اول بز تورکاره بخش ایتدیکی او متنوع تحسباتی توصیف ایچون دیردم که :

کلردی لاله یه اوصافنی کوش ایلسه حیرت
اگر مجموعه کلزاری یازسه « خامه عبرت »

قزلی طوپراق ۱۳ تشرین ثانی ۳۳۳

هواد سردی

[کوستاو لوبون] ك آثارندن :

فرانسه اختلالی و روحیات انقلابات

حکومات اختلالاتی. — حکومتلر هان هر وقت اختلاللری باصدیرمغه ساعی اولورلر. اختلال حکومتلر طرفندن واقع اولماز. چونکه اونلر، حد ذاتنده افکار عمومی و احتیاجات زمانك ممثلی اولق حیثیتیه، مجددلری کمال خوف ایله تعقیب ایدرلر، فقط اونلره تقدم ایتزلر. معافیله بعض حکومتلر، اختلال ماهیتنی حائر بر طاقم اصلاحات شدیدنه تطبیقنه قالدیشرلر. روح ملینك متانت و ثباتی و یاخود ضعف و فقدان عزمی، بو کبی تشبثاتك موفقیت و یا عدم حصوله یکانه معیاردر.

حکومتلرک جبراً یکی تأسیسات قبول ایتدیرمک ایستدکلری ملت، معین قوانینی، محکم عنعناتی اولیان یعنی مؤسس و مستقر روح ملیدن محروم نیم وحشی عشاردن عبارت ایسه، موفقیت محققدر. دلی [پترو] زماننده روسیه نك حالی بوکا کوزل بر مثال اولور. بو حکمدارک، قسم اعظمی آسیائی اولان اقوامی زور ایله نصل آوروپالیلاشدیرمغه قالدیشدینی معلومدر.

حکومت طرفندن واقع اولان اختلاله بشقه بر مثالده ژاپونیادر. فقط بونده دوچار تحول اولان روح ملت دکل، آلیاتدر.

بو کبی امور معظمه ده موفق اریق، آنجق داهی مرتبه سنده ذی قدرت بر حکمدار مطلقک کاریدر. اکثریا مجددلر، بتون ملتك کندی علیه دوندیکنه شاهد اولورلر. عادی اختلاللارده جریان ایدن احوالک بسبتون ضدی اولق اوزره، موضوع بحث اولان حالده، حکمدار اختلالجی، خلق ایسه محافظه کار موقعنده در. کمال دقتله بو حالت تدقیق ایدیلیرسه خلقک دائماً صوک درجه محافظه کار اولدینی قولایلقله اکلشیلیر.

خلقک طبقات عالیله و یا سفلیه سی طرفندن واقع اولسون، اختلاللر، بر ملتك پک چوق زماندن بری استقرار کسب ایتمش اولان روحنی دکل، آنجق توالی دهور ایله انحطاط و زواله مستعد بولنان عناصری دوچار تحول ایده بیلیر.

چین، بر مملکتک تأسیساتی علی الفور تجدید ایتک کبی حکومتلرجه موفقیتله باشه چیقارلسی

عديم الامكان اولان بر مهم تجربه قاليشمشدر . بو كشورده ، قديم حكمدار خاندانك سقوطني موجب اولان اختلال ، محضا چيني بر آرزوها اي برحاله قويقي مقصديله حكومت طرفندن جبراً قبول ايتديرلك ايسته نيلن اصلاحاتدن متولد عدم ممنونيتك برنتيجه ضمنيهدر . آفيون و اويونلرك منعي ، تنسيقات عسكريه ، مكاتب تأسيسي خصوصاتي ، تكاليفك نزايديني استلزام ايتمش و بو سواقي ايسه ، اصلاحات قدر افكار عموميه نك غلياني موجب اولمشدر .

اوروپا مکتبلرنده تحصيل علم ايتمش بر طاقم چين منوراني ، بو عدم ممنونيتدن بالاستفاده خلق آياغه قالدیرمش و بر چينلینك حوصله سنده هيچ بر معنی و مدلول بوله میان جمهوریت کبی بر طرز اداره بی اعلان ایتدیرمشدر .

مولودی بولندينی قوه محرکه ، بر ترقی اثری دکل بر حرکت ارتجاع اولديغندن بو جمهوریت چوق زمان پايدار اوله ميه جقدر . [*] اوروپا تربيه سيلاه سويه سنه برجلای ارتقا و یرن برچينلی ایچون [جمهوریت] کلمه سی ، ربه ق قوانین و قواعددن ، عصرلردنبری دوام ایدن تضیقاتدن تخلص کریبان ایتک معناسنده در . بر چينلی کنج ، صاچ اورکوسنی کسدکدن ، باشنه بر اوروپالی کبی شابقه کپره رک جمهوریت طرفداري اولديغنی اعلان ایتدکدن صوکره ، بلاقید و شرط سوق طبعیسنه کوره حرکتده کندينی صلاحیتدار فرض ایدر . فرانسه اختلال کپرنده دخی بر قسم خلقك ، بر آرزوها معتدل اولق اوزره ، اختلالدن حاصل ایتدیکی فکر هان هان بو مرکزده ایدی . ماضینك تدریجی بر صورتده احکام ایتدیکی بنای روحیدن محروم اولان هیأت اجتماعیه نك نه حاله کلدکارینی چين دخی پك آرزومانده آکلایه جقدر . بر قاچ سنه دوام ایدن آنارشیدن صوکره ، چين ، حکمدن اسقاط ایتدیکی طرز اداره دن دها معتسف و ظلمکار بر شکل حکومت تأسيس اضطرارنده بولنه جقدر .

اختلاللاردن صوکره تبدلات اداره دن متأثر اولیان عناصر اجتماعیه . — ایلروده ایضاح ایده جکمز روح ملی استقرارندن ، چوق زمانلردن بری تأسس ايتمش اولان قديم حکومات مطلقه کبی اشکال اداره نك نفوذ و قوتی قولایلقله آکلایشله جقدر . بر حکمدار ، عاصیلرك اثر فعلی اوله رق سریر سلطنتدن اسقاط ایديله بیلیره انجق بولر ، تمثيل ایتدیکی دساتیر و اصولاته قارشو هیچ برشی یاپه مازلر . [ناپولئون] ك سقوطلی اوزرینه ، اونی استخلاف ایدن کندي وارث طبعیسی دکل ، قرالارک وارثی اولمشدر . چونکه بو ، اصول قديمه بی تمثيل ایدیور ، ایمپراطورک اوغلی ايسه ، روحلرده دها تقرر ایتهمش افکارك ممثلی ایدی .

عینی سبیدن طولاییدرکه ، بر ناظر ، نه قدر ماهر ، مملکتته خدمات مبروره ایفا ايتمش اولقله مشار بالبنان اولسه ده ، حکمدارینی ده ویرمکه موفق اولدينی پك نادر در . بیسمارق بیاه بالذات بو خصوصده بر مستثنی تشکیل ایده مه مشدر .

کندی باشنه آلمانیا اتحادینی وجوده کترن بو بیوک رجل دولتک محکوم خسوف اولسنه حکمدارینك جزئی بر تأثیر شخصیتی کافی کلشدر . چونکه افکار عمومیه جه مظهر صحابت اولان بر اساسه قارشو بر ادمك نفوذ و حکمی هیچ مشابه سنده در .

بونکه برابر ، اختلال زماننده واقع اولدينی وجهه ، بر حکومتك دستور حرکات اتحاد ایتدیکی [*] چين احوال سیاسیة اخیره سی حکیم مشار الیهک بومطالعده نه قدر اصابت ایتدیکنی اثبات

اساس، اسباب متنوعه به مبنی او حکومتله برابر قرین زوال اولسه بیه جمعیتک بتون عناصر ناظمه سی عینی زمانده محو اولمقدن اوزا قدره.

بر عصری متجاوز زماندبری توالی ایدن تذبذبله عطف نظر و صرف بو نقطه دن محاکمه ایدلسه، فرانسه نك بیوک بر آنارشی ایچنده یو وارلاندیغنه حکم اولنه بیلیر. حالبوکه حیات اقتصادی، صناعیه و سیاسیه سنده بیه بالمکس بو قارشیقلقلر و تحولات اداریه دن بستمون وارسته بر نوع اتصال و خاصه دوام ظاهر اولمقده در. بونک سببه کلنجه:

تاریخک مشغول اولدیغی وقایع عظیمه دن بشقه، کتابلرده موضوع بحث اولیان حیات روزمره نك غیر منتظر الجا آتیه تابع وقایعی ده وارد در. ایشته بو وقایعک هیئت مجموعه سی، بر ملتک حیات حقیقه سنی تشکیل ایدر.

وقایع عظیمه تدقیق و محاکمه ایدلنجه، فرانسه نك اعتباری حکومتک بر عصر دبری ایکیده برده دکیشدیکنه حکم اولمقده ایسه ده هر کونکی وقوعاتک تدقیق، اصل حکومتک پک آز تحولاته دوچار اولدیغنی اثبات ایتمکده در.

شو حالده بر قومک حقیقی سائقلری کیملردر؟ حکمداران و وکلای دولت هر حالده مهم احوالده ملل واقوامه رهبر اولیورلر ایسه ده، حیات روزمره یی تشکیل ایدن اهمیتسز احوالده بونلرک رولی هیچ مثابه سنده در. بر مملکتی اداره ایدن حقیقی قوتلر، تحولاتدن قطعاً متأثر اولیان و غیر شخصی عناصردن ترکیب ایدن اداره لردر. بو دوائر محافظ عنعنات اولدقلرندن زمانه حاکم، و، کوزه چارپه جق بر صورتده، قوای سائرده دن دهها زیاده حائر نفوذدرلر. ایلروده ایضاح ایده جکمز وجهله، بو تأثیر و قوت، حکومت رسمیه نك حاکمیتی کولکده برافه جق بر درجه یی بولمشد. فرانسه، تدریجی بر صورتده قلم مدیر و مأمورلری معرفتیه اداره اولمق یولنی طوتمشدر. تاریخ اختلالات تتبع ایدلنجه کوریلورکه بونلرک استلزام ایتدکلری تحولات پک سطحی در. اختلال قولای، فقط بر قومک روجنی دکیشدرمک پک کوچدر. دعوی وکیلی معلم کریدی

اصغر ساقی

نمسه و مجار

روما زماننده نمسه الکاسی [پانونیا] ایالتی تشکیل ایدردی که بورانک مقری [ویندوبووا] در. بو شهر بالاخره ویانه اولمشدر. اسکی ترک تاریخلرنده ویانه یه [بیچ] دیرلرکه بو، اسلاوجه برلفظدر. مهاجرت عمومی اثناسنده [واندال] لر، [سوئو] لر، [هه رول] لر، [غوط] لر، [گه پید] لر، [لومبارد] لر، [آوار] لر بو قطعه یه یرلشمش ایسه لرده سکزنجی عصر میلادیده [شارلمانی] آوارلری [راآب] نهرینک او بر یقه سنه اجلا ایدرک [أنس] Ens ایله [راآب] Raab آرهنده Marchia Orientalis ویا Avstria ولایتی تشکیل ایتمشدر. [مارکیا اوریئنتالیس] «شرق حکومتی» معناسنه در. آوستریا ویا آلمان تلفظی ایله [اوسته رزایچ] Oesterreich ده شرق حکومتی دیمکدر. بوقطعه یی [شارلمانی]، [باویه را] دن کتیرتدیکی افراد ایله طولیدرمشدر. او ائناده [سالجبورغ] - طوز حصاری - Salzburg ايسه پوسی ده یکی ایالتک امور دینه سنی تنظیمه